

欽定剿平三省邪匪方略

欽定剿平三省邪匪方略附編卷十

丁卯年

正月二十六日

戊辰

德楞泰全保方維甸奏言竊

瓦石坪新兵滋事

臣

等商同派兵截剿去後茲

於十九日未刻據副將祝廷彪稟報賊匪由油

坊坪一帶奔竄祝廷彪帶領前隊兵丁覓路抄

過賊前適太平協副將羅思舉都司謝成貴等

聞賊竄近亦卽不分畛域同時趕到十七日該

協等合兵一處迎至大池壩地方賊匪蜂擁抗
拒祝廷彪羅思舉親帶官兵從山梁併力壓下
鎗箭齊發攪殺甚久將首逆偽總元帥周士貴
扎斃賊匪紛紛潰亂我兵爭先趕殺共殺賊一
百六十餘名生擒八十四名並將首逆偽元帥
趙文賢賊目謝文明張貴劉士貴拿獲奪獲驟
馬旗幟烏槍刀矛甚多餘匪二百餘名竄入巴

山老林該處冰雪甚大現在跟蹤趕緊剿捕等
情又接據總兵楊遇春稟報十八日至峽石地
方拿獲打散偽先鋒雷陞附和遊匪滕魁侯貴
訊問打仗情形與祝廷彪所稟無異並供稱周
士貴是偽總元帥趙文賢是偽元帥是實伏查
殘匪竄入巴山均已膽落現在薛大烈楊遇春
兩路官兵已可到彼合兵剿捕即可就地殲除

此次臨陣生擒之賊除將首逆賊目並楊遇春所獲賊目一名提解前來訊究起事根由再行
磔割梟示外其餘賊匪均卽正法

同日德楞泰全保方雅何又奏言近又據華陽營叅將何占鰲拿獲並未投誠先行逃散之寧
陝叛匪閔元瑞梅紅二名又寧陝中營遊擊黃
瑞拿獲換防起程時脫逃之叛匪張元友一名

解送前來臣等會同試明卽行正法又拿到解
伍遞籍之蔣習元陳清二名卽遵

旨發遣黑龍江給兵丁爲奴尙有未獲之脫逃叛匪
六名辭伍叛匪六名仍行嚴拿其已獲之犯卽
行停緝均奏入

上命軍機大臣傳諭德楞泰全保方維甸曰德楞泰
等奏截剿瓦石坪叛匪殲擒首逆夥匪多名覽奏

欣慰此次瓦石坪叛匪滋事裹脅匪衆五百餘名
馬賊數十名往來搶掠甚爲可恨經副將祝廷彪
羅思舉帶兵同時趕到會合一處迎至大池壩地
方奮力剿捕殲斃首逆僞總元帥周士貴擒獲首
逆僞元帥趙文賢賊目謝文明張貴劉士貴共計
殺賊一百六十餘名生擒八十餘名奪獲騾馬器
械甚多餘匪二百餘名均已膽落奔竄所辦甚屬

可嘉祝廷彪羅思舉著加恩交部議敘此時薛大烈楊遇春兩路官兵已早起到所剩敗竄餘匪不難一鼓殄除著卽責成薛大烈楊遇春羅思舉祝廷彪等四人上緊剿捕悉數殲除勿使一名漏網該匪等竄入巴山老林該處冰雪甚大薛大烈等祇須於巴山老林察探該匪出沒必由之路嚴密圍堵使其無路逃生自必束手就擒轉不必專事

追捕墮其章綴奸計致疲兵力也所獲賊首賊目
著德楞泰等細心研鞠詳訊起事根由務得確情
具奏其偽總元帥周士貴業被扎楚偽元帥趙文
賢亦被擒縛現在餘匪二百餘名中是否尙有偽
元帥偽先鋒在內所稱馬賊數十名該匪等所騎
之馬何以多至數十是否搶掠本營馬匹抑係劫
自民間並著訊問明確爲要

二十九日辛未勒保豐紳奏言臣等先後馳抵綏

定適臬司姚令儀亦由省兼程前來連日詳查
該匪起事原委及文武員弁剿辦打仗情形並
查現獲各犯內除首逆劉金定一犯受傷甚重
先經川東道嚴士鉉提出凌遲處死外此外均
按名提訊緣從前剿辦教匪事竣達州營收伍
軍功鄉勇共八十九名內開除及過制三十一

名外未過制者尙有五十八名此次起事之首
逆王得先孔傳仕均籍隸達州嘉慶三年在軍
營充當鄉勇王得先曾因打仗出力於擒獲劉
渣鬍子案內奏請

賞戴藍翎事竣後卽在達州營充當馬兵平素桀驁
不馴最爲多事孔傳仕嗜酒逞兇同惡相濟劉
金定籍隸開縣本係革退之兵在達縣一帶遊

蕩興王得先孔傳仕素來相好十一年七月間
王得先馬匹倒斃該管守備王國雄催令買補
該逆任意遷延至十二月二十二日該守備發
放冬春二季餉銀恐該匪得餉花用將銀扣住
諭令買馬牽驗再行給發並以開除名糧送縣
監禁之言恐嚇該逆心懷忿恨遇見孔傳仕劉
金定哭訴前情孔傳仕劉金定俱懷不服商議

殺死守備王國雄洩忿卽邀素恨王國雄之新
兵陳清張開泰李升李洪清並已革兵丁黃明
榜卽王明榜於僻靜處密商僉言王國雄平素
待兵刻薄情愿幫同舉事王得先孔傳仕劉金
定等以旣殺守備其勢不能歇手且每月所得
兵餉不敷用度不如邀人造反搶餉劫囚任意
擄掠各逆當卽允從並約定除殺守備王國雄

之外不可戕害官民設或官兵追剿緊急可冀
投首免罪隨分投糾合共邀得瞿谷玉等二十
五人告以起事後隨同焚掠舖戶居民財物免
受窮苦將來仍可潛逃瞿谷玉等均愿跟隨連
首逆王得先等共三十三人遂於是夜四更時
放礮爲號大衆齊集偷取堆卡防夜長矛先從
西門放火欲俟王國雄出署救火殺害王國雄

聞信躲避各匪打入衙門遍覓未見適有守備
衙門上夜兵丁王全郭榮彭仕奇附和同行隨
卽打開庫櫃搶得餉銀一千四百三十六兩零
並各搶取腰刀烏鎗火藥鉛子旗幟等件雜時
文武各官均赴西門救火該等又四處縱火
卽乘間至監刦囚典史王良佐率領丁役攔阻
被孔傳仕立時用棍打倒夥犯李升殺死典史

家人王泳受一名符正邦殺傷縣役張慶一名
越日身死並傷更夫差役羅順劉仕俸等四名
遂卽撞破監門蜂擁搶入打開囚籠鏐鐐刮囚
犯趙世清等二十一名各文武等復馳至縣前
遊擊塞普徵額上前吆喝卽被棍傷腰肋倒地
道員嚴士鉉署知府王世燾知縣余永寧因事
起倉猝各帶役無多黑暗中亦不知人數多寡

仍各親身捍禦保護倉庫各匪喊稱與文官無干並不滋擾衙門倉庫若來攔阻我們便要殺害等語該匪等劫去獄囚復向各處舖戶肆意焚掠該道府知縣等仍齊集丁役號召居民併力擒捕當卽拿獲彭自奇符正邦周潮興三名搜出營庫櫃內被劫銀二百六十五兩該匪等見人勢漸衆天色將明卽燒燬南門城樓打開

城門竄出又燒城外關廂該道府縣一面上城
守護救熄城內餘火安頓難民一面知會鄰封
並因城內兵丁無多飛調本邑團練至二十四
日早間調到團練三百名該逆等已糾集二百
餘人有匪徒徐貴等先後入夥首逆王得先孔
傳仕劉金定僞稱元帥其餘或僞稱先鋒或充
矛手旗手劫去監犯除趙世清周述二名從賊

充當旗手外其餘十九名斃於二十三、四等日
先後逃回均令繫進城內仍卽收禁各匪等於
二十四日晚間復來攻撲西門經鎗礮擊退竄
赴附近之翠屏山屯紮知縣余永寧縣丞李德
薰等率領團勇跟追當擒旗手蒲洲俸一名矛
手楊友俸一名並甫經被擄之張順一名又於
二十五日追至二郎廟將從犯盜犯趙仕清周

達二犯生擒並獲黃明榜一名殺斃賊匪杜能
郭大漢二名該匪等卽於二十六日竄赴景市
廟一帶糾合已有三百餘人連破民寨四處又
裹脅數十人並焚燒麻柳場居民房屋幸未傷
人適副將桂涵巡哨來至新寧一聞信息卽率
領所帶兵丁五十名並該處團練趕至綏定署
遊擊塞普徵額傷痕稍愈卽帶領本營兵丁一

同進剿雜時達縣團練續又調到一千名該縣
余永寧卽同李德薰帶領出城並有東鄉縣知
縣楊世鰲派令紳士候補訓導李化桂從九品
職銜龔性堯監生冉鶴臯帶到團勇五百名均
交桂涵統領星速前往探得該匪於二十七日

由麻柳場竄至龔家營檀木場一帶桂涵派發
兵練分路合圍並於石和尚壩寨子埡兩路設

伏各匪見兵練齊至搶上山梁首逆王得先孔
傳仕劉金定手執矛刀首先抗拒兵練等連次
搶攻賊匪抵拒益力桂兩因山勢陡削難於仰
攻卽令兵練稍退誘令該匪追下山梁仍復折
回衝殺賊勢大潰知縣余永寧帶領團練亦從
旁路衝出共計殲斃一百五十七名首逆王得
先持矛與藍翎馬兵羅貴對戰羅貴受傷經外

委劉繼先併力生擒並經冉鶴臯等將孔傳仕
一併擒獲惟劉金定手持雙矛率領數黨且戰
且走由寨子埡奔逃職員龔性堯等所伏圍練
突起首惡劉金定身受矛傷數處方得就擒並
獲執旗賊目一名李升共計拿獲首夥賊匪二
百三十二名內有臨陣跪投甫經被擄細轉兩
手之韓國良等四十八名經桂涵登時釋放並

獲刀器二百餘件騾馬數十頭匹尙有臨陣脫
逃匪徒孔占魁彭谷修等二十二名適太平協
副將羅思舉帶兵趕到擒獲數名餘俱被署新
寧縣知縣劉毓燠麻柳場巡檢魯寶帶領團練
全行拿獲合之前獲各犯共計先後生擒首夥
及裹脅民人二百一十五名解送府城分別禁
押嚴訊茲據各供前情不諱各犯僉稱實因守

備王國雄管待刻薄一時逞兇起事並無別情
亦無別處匪徒前來糾合等語將現犯逐名究
詰亦無寧陝案內逃出之人查此案孔傳仕王
得先劉金定三人罪大惡極兵丁陳清張開泰
李升李洪清黃明榜五犯雖非起意首惡但身
爲營兵敢於商同謀叛僅予梟首不足蔽辜應
與首逆孔傳仕王得先劉金定三犯一併凌遲

處死以彰

國憲而快人心殺犯內兵丁彭自奇等四十七名
及監犯趙仕清等二名共四十九名俱僞稱先
鋒旗手矛手等項名目夥同叛逆抗拒官兵均
屬罪不容誅應卽斬決梟示除劉金定一犯先
因傷重凌遲外所有名犯臣等於審明後卽飭
委臬司姚令儀副將桂涵等將各犯押赴市曹

分別處決城內城外被難民人無不環睹稱快
其周仕富等十九名被脅同行或煮飯喂馬或
背負行李雖未跟隨焚掠但既為逆匪服役不
能稍為寬貸應發往黑龍江給披甲人為奴其
餘馮文廣等一百三十九名實係民人甫經被
擄逼脅同行打仗時逃散被獲均交地方官取
保釋放所有是日劫去監犯除趙仕清周達二

名業經從逆正法外其餘王彬先陸大珍等十
九名於被劫出城之後卽於二日內投回歸禁
尙知守法可否酌予減等之處出自

聖恩再先後兵民殺斃賊匪一百五十七名割取首
級令獲犯認看指出夥匪鄭安等十三人其餘
俱係連日邀約裹脅同行辨認不真不知姓名
籍貫應毋庸議其首逆王得先孔傳仕劉金定

三犯家屬應卽照例緣坐其陳清等五犯究非起意爲首應請免其緣坐文武各衙署及達縣倉庫均保護無虞管監丁役及剿賊兵練共殺害二名受傷二十五名另行分別咨部卹賞

同日勅保豐紳又奏言竊照將備管束兵丁貴在寬嚴得當固不可市恩以沽名亦不便苛求以斂怨況此等入伍新兵尤須妥爲駕馭使之

無異若不嚴行懲辦不足以肅軍紀而服衆心

臣

等現已將該守備王國雄摘去頂戴監禁應

請

旨卽行正法以昭炯戒本任遊擊徐陞於去秋卸事

進京引

見行抵西安適德楞泰到叻剿辦寧陝叛匪卽將該
員留於軍營差遣嗣卽帶兵回川正欲領咨起

程聞信仍回綏定雖此次叛匪滋事非伊任內之事但其在任較久平時不能妥爲約束亦難辭咎署遊擊塞普徵額到任未久究屬失於覺察應請

旨將本任遊擊涂陞署遊擊候補叅將塞普徵額交部議處查塞普徵額於是夜身受棍傷旋又帶傷領兵隨同桂涵剿捕出力立時撲滅可否功

過相抵之處伏候

聖裁再田朝貴係本鎮總兵臣等有節制統轄之責

啓亦難辭應請

旨將臣勒保豐紳及川北鎮總兵田朝貴一併交部

議處再營庫被搶餉銀二千四百三十六兩零

除於獲犯彭自奇等身上搜出銀二百六十五

兩外尚失去銀一千一百七十一兩零應著落

該管鎮將並王國雄家屬名下分別全數追賠
歸款其失去旗幟鉛藥等件亦責令賠補齊全
以肅營制

同日勒保奏言竊查副將桂涵從前剿辦教匪
所向有功久邀

聖明洞鑒此次綏定叛匪滋事變生肘腋猝不及防
設剿辦稍遲必致蔓延爲患該協因臣派令巡

哨適至新寧聞信後卽率領兵練進剿於五日之內一鼓掃除辦理實爲迅速大平協副將羅思舉於賊匪潰竄之時帶兵兼程趕到協力擒捕亦屬出力均應懇

恩分別甄獎又查此事因由副將桂涵帶兵勇往調度有方但其原帶巡哨兵丁僅止五十名達州存營兵丁亦屬有限設非道員嚴士鉉署知府

同知王世燾知縣余永寧楊世鰲調集團練多名前來剿捕亦難克敵制勝除嚴士鉉王世燾職分較大不敢仰邀

甄叙外所有達縣知縣候補同知直隸州余永寧東鄉縣知縣候補知州楊世鰲二員籌備鄉團得資捍衛又署新寧縣知縣候補知縣劉毓燠率領團練協捕多名均屬出力能事候補縣丞李

德薰等或隨敵進剿或在城守禦均有微勞團
首龔性堯等自出已資集團備禦並親帶多人
將叛匪立時掃除洵屬急公向義而新兵羅貴
尤屬超衆出力臣秉公察核擇其勞績最著者
開具清單恭呈

御覽仰懇

聖恩各予獎賞使人人倍知勸勉至打仗出力擒獲

首逆旗手之外委會天成桂吉二員應陞把總
及弁兵團練胡朝均等十一員名應以外委額
外拔補者均經臣先給委牌俟有缺出卽行拔

補又有廩生安能慮武生顧彪等十一名同往

剿賊亦能出力臣現已查照剿辦教匪軍功之

例各給八品虛銜頂戴執照咨部存案

同日勒保又奏言查綏定府地方毘連陝境向

來商賈輻輳人烟極爲稠密此次叛匪糾衆滋事
事先由西門放火次及東南二門南門街道綿
長房屋櫛比悉遭焚燬被災尤重且時已深夜
民人俱已安睡匆遽驚逃甚至衣履不完一切
貨物貲財全行燒燬追賊竄至城外其焚掠情
形亦多與城內相等共計城內城外被焚房屋
羅思益王大順等四百四十三戶瓦房八百五

十間草房三百六十一間該匪竄至麻柳場攻
破寨落焚燒曹易德王永謙等房屋六十八戶
瓦房四十二間草房一百零八間統計被災男
婦三千四百七十六丁口臣目擊情形實堪憫
測若僅照撫卹常例辦理實不足以安民心臣

飭令府縣等不論男婦大小每名每日概給口
糧米一升自上年十二月二十三日起迄今已

將一月察看情形尙不便遽行停止應否加展
兩月之處出自

皇上天恩其所燒瓦房應否每間給修費銀一兩草

房每間給修費銀五錢之處臣亦未敢擅便臣

於到綏定後現在親加安撫並委員挨戶查閱
先捐廉按名加賞銀大口一兩小口五錢酌賞
房屋修費以資棲止情形甚爲安貼

同日勒保豐紳奏言

臣

等連日將達縣叛匪一

案查辦甫竣適接竹峪關管守備馬林稟報探
得本月十一日陝省瓦石坪營兵丁滋事聞並
未殺人放火一味糾衆褻人想德楞泰自己就
近派兵查辦該處在在與川境毘連臣等已飭
太平協副將羅思舉帶兵四百五十名馳往邊
界迎擊並派總兵田朝貴卽在綏定帶兵一百

五十名前往接應又密調川東川北兩鎮兵各
一千名臣豐紳帶領前往臣勒保仍暫駐紮定
察聽信息隨宜接濟均奏入

上命軍機大臣傳諭勒保曰陝省瓦石坪叛匪糾眾
搶掠德楞泰等派兵剿捕昨續據奏到副將祝廷
彪在大池壩地方會同川省副將羅思舉合兵剿
殺已將首逆周士貴殲斃並擒獲賊目趙文賢等

二百餘人餘匪二百餘人竄入巴山老林現在跟蹤搜捕已降旨將祝廷彪羅思舉加恩交部議叙勒保發摺時尙未接到捷音旣得信後所有籌備之川東川北各官兵自己飛速檄停刻下竄入巴山老林匪衆已責成薛大烈楊遇春督同祝廷彪羅思舉上緊圍捕務令就地殲獲該處毘連川界恐匪犯乘間遁入勒保應飭令地方官嚴密查拿

或再添派桂涵前往幫同搜捕此時川省綏定之
案勒保業已查辦完竣如探聽巴山老林內竄匪
尙未剿盡卽就近前赴川省邊界暫駐以資彈壓
俟陝省搜捕竣事再回省城其方柴關潰兵之案
亦卽核實查明定擬具奏

同日

上諭內閣曰勒保等奏查明達州營守備王國雄因

扣留兵餉激生事端旋卽越城逃匿請旨卽行正
法所奏甚是營員管束兵丁全在訓練有方寬嚴
得當設遇地方不靖尤當身先捍禦不容稍存恇
怯今守備王國雄平素待兵一味從苛上年冬間
應發冬春二季餉銀該守備扣留不發勒令先買
馬匹以致逆匪王得先起意糾約夥黨滋事洩憤
迨至變生倉猝該守備並不彈壓抵禦輒聞風由

署後避藏越城遠匿任令劫餉劫囚肆意焚掠實
出情理之外朕閱摺內稱該守備平素待兵從苛
之語已用硃筆批示此其小咎至聞風潛藏此則
罪之大者勒保亦稱王國雄管兵過嚴及扣餉買
馬均非大罪惟越城遠避兩日置城內官民於不
問其情節與臨陣脫逃無異所論切當之至正與
朕意符合可見勒保歷練曉事嘉是覽之王國雄

辦理營伍事宜諸未妥協設使於叛匪起事時挺身剿捕或力竭被戕原可置之不論卽或因保衛城池受傷未死核其激變情罪亦不過予以發遣今竟棄城逃匿貽害地方此卽該員平昔辦理營務處置得宜亦屬罪所不赦况該員旣已乖謬於前又復畏葸於後此而不嚴行懲辦何以飭軍紀而肅戎行守備王國雄著卽行正法以昭炯戒並

著傳集同城武職員弁同赴市曹閱視諭以該員
身罹重辟實由於棄城避賊俾共知懲創死於王
事則永沐恩榮死於國法則子孫蒙垢大義昭然
千古一理至此次叛匪滋事該管總督提鎮等本
有應得之罪惟念勒保原在陝省會辦寧陝善後
事宜於叛匪起事時並未在川聞信後卽星赴綏
定查辦並先時練勇會哨飭令桂涵羅思舉就近

剿除得以卽時撲滅實屬調度有方功過足以相抵所有自請交部議處之處著加恩寬免署遊擊塞普徵額緝拿叛匪身受棍傷又帶兵隨同桂涵剿捕出力亦著加恩免其議處提督豐紳總兵田朝貴遊擊涂陞俱著交部議處又據王得先供詞該匪等起事時原約除殺守備王國雄之外不可戕害官民設或官兵追剿緊急可冀投首免罪等

語此固王國雄罪無可追與地方文員無涉至謂官兵追剿緊急希圖投首免罪之語總由於德楞泰辦理寧陝叛匪輕率受降過於寬縱以致殺定叛匪亦聞風效尤流弊滋甚勒保並當曉諭各營新兵務須安靜操練恪守營規毋得逞意妄爲自取罪戾倘有桀驁不馴滋生事端者均當執法嚴辦或竟有似此倡亂之徒即使悔罪投誠亦必按

律治罪不能倖邀寬貸如此剴切宣示庶使各知
儆凜不致復罹憲典

上又諭內閣曰勒保奏查明剿辦綏定叛匪在事出力最著之員弁兵練懇恩獎勵維州協副將桂涵此次率領兵練剿捕立即全數殲除實爲迅速前經降旨賞給總兵銜並交部議叙著再加恩賞給健勇巴圖魯各號仍賞銀一百兩太平協副將羅

思舉於賊匪潰竄之時帶兵趕到協力搜擒亦屬
出力著交部從優議叙道員嚴士鉉同知王世燾
調撥團練多名剋期制勝均著交部議叙達縣知
縣候補同知直隸州余永寧親帶團練前往被捕
奮勉出力著賞戴花翎東鄉縣知縣候補知州楊
世鰲調集團練協剿不分畛域殲獲賊衆最多著
以同知直隸州陞用署新寧縣候補知縣劉毓煥

首先集團嗣又滅盡餘匪著賞加知府銜候補縣丞李德薰候補府經歷鄂明安候補從九品衛通洲均准其儘先補用卽補縣丞王仲璵卽補從九品楊世敏達縣典史王良佐均著交部議叙巡檢魯賓著以應陞之缺陞用團首從九品職銜龔性堯監生冉鶴臯文生王三立候選訓導李化桂均能自出已貲集團殺賊洵屬急公向義龔性堯著

以正八品咨部卽選丹鶴臯王三立著以從九品
卽選李化桂著准其遇缺卽補達州營藍翎馬兵
羅貴卽係新兵隨同塞普徵額前往剿賊能與首
逆王得先用矛對戳立將該逆擒獲尤爲超衆出
力著卽以千總超補仍加恩賞給捷勇巴圖魯名
號亦賞銀一百兩並著曉諭各營以羅貴係屬新
兵因伊能知大義殺賊立功是以仰邀破格殊施

渥膺恩賚庶使身隸營伍新兵共知激勸外委劉
繼先團首蕭化桂均能奮勇剿捕幫同擒賊劉繼
先著賞戴藍翎仍著加一等陞用蕭化桂著賞給
八品頂戴仍賞戴藍翎如問其情願出仕並著咨
部照例選用其打仗出力擒獲首逆旗手等之外
委會天城桂吉二員著以把總陞用弁兵團練胡
朝均等十一員名均著以外委遇缺拔補廩生安

能慮武生顧彪等十一名同往剿賊亦屬出力均著賞給八品頂戴以示獎勵

上又諭內閣曰綏定城內居民及麻柳場村寨猝被叛賊蹂躪居舍貨財悉遭劫掠情殊可憫自應優加撫卹以資安集所有被難男婦大小名口均著加恩給賑三月每日每人給予米一升燒燬房間瓦房每間給予修費銀一兩草房每間給予修費

銀五錢所需糧米准其卽於達縣存倉穀石內動
碾散放修屋銀兩於存庫公項內動用支發該督
務嚴查地方官核實賑卹毋得假手胥役稍有侵
冒事竣造冊咨部題銷其達縣城內及麻柳場被
難民人各名下應徵本年錢糧並著該督卽按戶
查明全行豁免

二月初一日

癸酉

德博泰全保方維甸薛大烈奏

言官兵趕剿瓦石坪叛匪於十七日在大池壩
大獲勝仗後該匪竄入巴山老林_臣等飛飭各

路官兵分路入林搜捕不予以暇並飛飭瓦石

坪守備張傑查明叛匪姓名數目以憑核對二

十日_臣薛大烈帶同副將祝廷彪已革副都統

蘇勒芳阿等由倒硎壩前進總兵楊遇春帶同

遊擊張啟熬等由高橋河前進副將羅思舉遊

擊張俊都司呂天俸等由梨樹壩前進老林中
道路險窄不能乘騎將領及漢滿各兵不避艱
險悉皆步行攀陟探得賊匪由小濛壩蒿枝壩
深入老林至燕子巖楊坪一帶潛匿臣薛大烈
同蘇勒芳阿進兵梨子坪另派祝廷彪進至油
盤垭楊遇春等進兵大坪羅思舉進兵涼橋另
派張俊等進至鷓哥嘴數路圍截賊匪不能遠

竄二十一日各路竄戶進遇有逃出之賊卽行截
殺隨剿隨進二十二日官兵至陽坪圍剿奮勇

直前剿殺叛匪十數名賊黨紛紛潰敗賊首韓

金堂等見大兵雲集逃竄路窮喊稱饒命棄械

跪地

臣

薛大烈同楊遇春當將首逆偽總帥韓

金堂偽元帥陳紹禮何魁賊目偽總兵李加貴

楊興德五名細縛其首逆偽總帥周仕貴一名

緣十七日打仗時該匪前胸額顛受傷甚重倒地未死此次亦一併搜獲並獲偽先鋒黃占隴叛匪李洪玉等二十六名連十七日打仗羅思舉擒獲之偽元帥趙文賢叛匪謝貴等七名瓦石坪兵丁擒獲之偽先鋒楊桂等五名寧陝兵丁擒獲之偽先鋒雷陞卽雷洪陞一名殲斃三名共叛匪四十八名全數殲獲與張傑開報名

數相符並無一名漏網其餘賊夥殲斃一百六十餘名羅思舉祝廷彪拿獲七十七名薛大烈等又截殺三十餘名拿獲一百九十六名除業經殲斃賊匪及此內被裹難民幼孩李應祥等訊明釋放不計外現將游匪一百十八名網縛解送^巨等查此次瓦石坪叛匪膽敢謀逆滋事焚燒民房搶掠姦淫無惡不作實屬罪不容誅

茲仰賴

聖主天威將士奮勇軍聲大振數日之內卽得痛剿
甫及旬月首夥全擒地方肅清居民安業並使
新兵震懾反側潛消實深慶幸之至一俟各犯
解到嚴訊起事確情卽將首逆凌遲處死賊目
叛匪及往賊營游匪盡行正法服役匪徒發遣
爲奴以示懲儆除分別核辦續行開單具奏外

現在派員確查難民妥爲撫卹并查明出力人員另行核實保

奏再陣亡四川新兵周全一名陝西新兵張榮馬有貴二名並受傷弁兵數名容分別咨部辦理
奏入

上諭內閣曰德楞泰等奏官兵圍剿瓦石坪叛匪首夥全擒盡數撲滅緣由覽奏實深欣慰此次陝省

瓦石坪叛匪滋事經官兵痛加殲戮餘匪二百餘人竄入巴山老林藏匿延喘薛大烈楊遇春祝廷彪羅思舉張俊蘇勒芳阿督兵一路進剿擒獲偽總帥偽元帥首夥多名計叛匪四十八人全數殲獲並無一名漏網所辦可嘉本日正值朕宮中祀神之期午間卽據遞到德楞泰等六百里奏報吉事有祥以手加額特發去

神糕一盤賞給德楞泰全保方維甸薛大烈分嘗用昭
渥眷並賞給薛大烈白玉喜字搬指一個黃辦大
荷包一對小荷包二個除副將祝廷彪羅思舉前
已降旨加恩交部議叙外薛大烈楊遇春均著加
恩交部議叙至遊擊張俊剿捕叛匪隨同出力自
應一體仰邀甄叙但此次叛匪是否有張俊所管
營兵在內有無激變情事著德楞泰等查核明確

如該匪等起事實與該遊擊無涉亦並非伊所轄
卽應奏明候朕施恩倘有該管營兵在內則該遊
擊此次奮勉出力功罪亦可相抵若竟係該遊擊
激變不惟不應加之獎勵並當示以懲創德楞泰
等惟當秉公查詢據實具奏以憑核辦至蘇勒芳
阿雖亦隨同帶兵剿賊但伊從前方柴關潰兵一
案尙未據德楞泰等查核明確應俟定擬具奏到

日再降諭旨所有此次打仗官兵著德榜泰等查
明實在奮勇出力者加恩賞給一月錢糧其餘隨
同出力者賞給半月錢糧至前次川省剿捕綏定
叛匪一案辦理亦甚迅速桂涵所帶兵丁五十名
亦著加恩賞給一月錢糧其餘在事之團練鄉勇
並著勒保查明實在出力者加恩賞給一月錢糧
隨同出力者賞給半月錢糧以示鼓勵其陣亡四

川新兵周全一名陝西新兵張榮馬有貴二名俱
著加等照外委例賜卹至摺內稱賊首韓金堂等
見大兵雲集逃竄路窮喊稱饒命棄械跪地等語
與川省綏定叛匪所供設或官兵追剿緊急可冀
投首免死之語情詞如出一轍可見該匪等固孽
由自作亦總因享陝叛匪滋事德楞泰輕率受降
並未懾以軍威遂爾心存玩視相率效尤以致殺

定瓦石坪倡亂匪徒層見叠出在德楞泰前次受
降係屬一時冒昧殊不思此等愚頑無知之徒辦
理輕縱卽罔知儆懼甚至焚燒民房搶掠姦淫無
所不至皆由率淮投誠之故若德楞泰彼時一意
主剿必能將叛匪全數殄除淨盡何至有殺定瓦
石坪叛匪屢次滋擾之事既不致戕害無數生靈
且民人家室得免流離婦女不遭淫辱其所保全

者轉多矣現在所獲各犯據德楞泰等摺內稱擬將首逆凌遲賊目叛匪及投往賊營游匪盡行正法等語所見甚是自應如此辦理並著德楞泰勒保等曉諭川陝各營新兵嗣後務當安分守法若有倡亂滋事者國憲具在卽力竭投誠亦斷難倖免誅戮況新兵等旣入伍食糧均當爲國家出力自非心懷反側皆得共享昇平朕一視同仁伊等

更無容妄生疑慮近日如桂涵羅思舉皆係由鄉
勇出身因効力戎行屢著勞績不次超擢用至專
閩大員其次如羅貴亦係新兵因剿捕殺定叛匪
出力破格殊施錫于勇號仍加等擢用至如此次
陣亡之川陝新兵亦俱加等賜卹若自作不靖卽
分別凌遲正法不能稍爲寬貸蓋急公効命則仰
沐恩施蒙麻奕世作奸犯科則身遭誅極妻孥不

保禍福惟其自取耳仍著德楞泰等嚴訊現獲各犯查明起事根由該匪等此次並未收害地方官吏諒非激變究竟因何起衅務得確情據實具奏

同日

上命軍機大臣傳諭勒保豐紳曰本日德楞泰等奏官兵於二十二日在陽坪地方合圍剿捕將瓦石

屺滋事首逆韓金堂等按名擒縛餘匪悉數殲拿
並無一名漏網辦理甚爲安速本日正值朕宮中
祀

神之期適遞到捷報甚屬吉祥朕心欣慰除將

神糕一盤分賞德楞泰等外並發去

神糕一盤賞給勒保豐紳用廣福惠此時陝境牧寧川
省邊界無須大員駐劄彈壓勒保卽將方柴關潰

兵案內川北弁兵確實查明分別定擬具奏再此
次瓦石坪叛匪據勒保等奏稱探聞該匪並不殺
人放火一味糾衆裹人究竟該逆等因何起事除
飭陝省查奏外著勒保再爲密查將起衅滋事根
由訪問明確據實奏聞又川省各營由鄉勇入伍
新兵除事故開除外現在仍共存若干各某營額
兵若干名內有新兵若干名其各兵丁名下扣項

孰多孰寡均係何款項一併詳查開單具奏

初九日

辛巳

勒保奏言

臣

欽奉

諭旨方柴關打仗時係先勝後敗尚非遇賊卽退此

時亦毋庸與陝甘官兵對質惟當就官兵實在情

節訊明定擬具奏等因

臣

當將總兵田朝貴傳

旨解任同前奉

諭旨解任歸案審訊之遊擊劉元明把總高耀及馬

兵冉貴又領旗目兵龔現龍等八名一併調到
訊問據田朝貴稟稱上年九月十八日由兩河
口發兵進剿之時係固原漢沔河州川北等營
自告奮勇兵丁一千餘人先行進發遇見前起
賊匪斃擒多人賊匪敗向東竄官兵分路追下
搶獲騾馬器械並有自告奮勇兵三百餘人先
到近賊山梁如固原河州漢沔川北兵丁皆在

其內不止川北兵一隊起初官兵原係鼓勇向前實因賊匪愈聚愈多且有伏賊突出官兵併力攪殺陝甘弁兵多有傷亡川北兵亦陣亡七名受傷十餘名各隊官兵力不能支始順橫梁同時退下實不能指定係何隊何人先走等語

與^臣前在漢中會同德楞泰等所訊情節相同

^臣復將劉元明高耀冉貴並領旗目兵龔現龍

等隔別究問僉供無異

臣

謹就查訊情形悉心

酌核是日奮勇步兵先到前敵計止三百餘人

滿營綠營馬隊官兵亦止六十餘人賊匪共有

數千之衆實屬多寡懸殊官兵先經遇賊獲勝

後因力竭退回維時弁兵傷亡不少察核各兵

傷痕俱在迎面可見官兵實與賊匪併力抵敵

且是日楊遇春於寅刻發兵退至方柴關已交

申酉業經轉戰竟日是此次打仗官兵委無見賊卽行潰散情事甚爲確切但兵丁打仗未能獲勝卽係鎮將員弁督率不力相應將總兵田朝貴遊擊劉元明一併叅奏請

旨懲辦再該鎮將素待兵心於川北地方情形亦甚熟悉前在軍營剿賊著有微勞謹據實聲明伏候

聖裁其把總高耀請降爲外委以示懲儆臣身任總督節制營伍應請

旨將臣勒保交部議處再臣續奉

諭旨方柴關先行跑散兵丁卽法不及衆亦當將首

先各犯訊明定擬等因臣欽遵辦理曷敢稍有疎

縱連日復飭令總兵田朝貴遊擊劉元明等將

是日兵丁內究係何人先奔確實指出以便按

名究治該鎮將等僉稱當日在山梁抵敵時川
北兵與陝甘兵攪雜一處併力向前及至賊衆
衝壓各隊力不能支同時退散維時天色陰晦
霧雨迷漫其孰先孰後當時既辨別不清事後
實不敢妄指惟有懇請將帶兵鎮將等從重治
罪以示懲儆等語 臣查兵丁如果見賊卽潰則
失律之罪法所必誅查是日接仗情形各隊弁

兵多有傷亡迨至力竭退回尙復轉戰竟日並非一見賊匪卽行潰散今鎮將等旣不能指實先潰之人臣若將各兵丁一齊調集互相質証

則人數衆多事屬紛擾更不成事查川省官兵連年出師旣未能稍爲休養情殊可憫而近日綏定叛匪滋事副將桂涵等帶兵剿辦現在副將羅思舉協剿瓦石坪匪徒均能克敵制勝所

帶卽係川北各營之兵是各兵亦並非懦弱無
用必須執法嚴懲者可比可否免其查究以安
衆心而觀後效再_臣等現在審辦完竣查川省

沿邊一帶除舊設營汛外如太平之城口通江
之竹峪關廣元之百丈關均係新設營分各處

皆有由鄉勇入伍新兵_臣豐紳擬卽就便由城

口以至廣元挨次巡查再行旋省_臣勒保卽馳

回省城任事奏入

上諭內閣曰上年官兵在方柴關剿捕叛匪時賊衆
敗竄官兵分路追躡內兵丁三百餘人先至近賊
山梁突遇伏賊衆寡不敵間有傷亡始行退下且
自寅刻進兵至申酉時收隊實已轉戰竟日係屬
先勝後敗並非遇賊卽潰惟是官兵臨陣擊賊克
敵致果一有敗衄卽應治以應得之罪勒保請將

帶兵鎮將分別懲處聲明是日在事兵丁各營合
隊同行又值霧雨迷漫其退走先後事後難以指
實等語川北兵丁彼時與陝甘兵丁合爲一處先
進後退當時既不能辨認此時調集質訊兩省互
相諉過又無確証若情罪稍有不實轉不足以服
伊等之心且此後綏定瓦石坪兩次掃除叛匪川
北兵丁均各從征得勝其功過亦尙足相抵所有

方柴關打仗退後之川北兵丁著加恩免其查辦
至田朝貴等統率師徒不能整隊禦敵咎實難辭
總兵田朝貴著革去提督銜及巴圖魯名號加恩
留川北鎮總兵仍帶革職留任其失察達州營叛
匪滋事之案前經部臣議以降二級調用奏上時
諭令俟此案查明一併合辦田朝貴著再降三級
留任遊擊劉元明著降爲都司留於川省補用把

總高耀著降爲外委以示懲儆勒保節制全省官
兵自請議處固屬咎所應得但勒保未身臨行陣
此次辦理綏定叛匪尙屬迅速功過相抵著加恩
寬免此案官員兵丁均係朕格外施恩嗣後有管
轄營伍之責者惟當申明軍紀平時訓練士卒務
令步伐整齊有勇知方爲國家効干城之用朕整
飭戎行原情執法必持其平勿謂寬典可以倖邀

也